

軍團集二第軍命革民國

令司總馮

况實之作工苦堅昔今黨爲國爲

告報志同山吳

(說演之時者記聞新外中待招海上在)

行印社刊月路道海上

報告馮總司令爲國爲黨今昔堅苦工作之

實況

吳山

在上海招待中外新聞記者
時之演說道路月刊社速記

中外咸稱馮總司令所率第二集團軍。軍紀軍威。嚴肅整齊。忠勇勤苦。久不領餉。而能團結。拚命犧牲。張賊作霖。亦稱爲紀律嚴明。秋毫無犯。惟對馮公個人。國人多疑其言行多僞。甚或有謂其陰險酷辣。且有誣其爲赤化共產者。民十四五兩年。此種毀謗論調。常見中外報章。山雖在滬。時與至好。及中外記者。力白其非。苦少眼見實例確證。只足以杜塞毀謗者暫時之口。而難以折服毀謗者懷疑之心。今春山赴開封。代表滬上數團體。及黨國中四五同志。隨帶匾額聯軸。書籍圖像等件。參與河南革命紀念館開幕盛典。得與兩年未晤之馮總司令共叙滄桑。留山在豫。籌築省道。因有機會。察其言行。始悉馮公實乃天真爛漫。誠篤仁厚。堅苦卓絕。實行三民主義。極富救國救民熱忱。與時猛進。自強不息之志士仁人也。事以身作則。苦則自吃。利則讓人。志在禦外。恥於內爭。寧願天下人負我。不願我負天下人。謹舉實例分述如左。

(一) 助孫制奉也

民十四年。奉軍南下。擬據江浙。時則孫傳芳自知力難與抗。求馮

報告馮總司令爲國爲黨今昔堅苦工作之實況

公牽制奉軍後方。孫乃竊得長江五省地盤。馮公下野後孫復聯張。合力攻擊西北軍。兼有帝國主義。助逆力攻。西北國民軍乃由京津撤回南口。更由南口退往甘肅。今夏始將孫傳芳完全擊潰。奪得五省聯軍總司令僞印。陳列於河南革命紀念館。此乃苦則自吃。利則歸人。寧人負我。我毋負人之一證也。

(二)迭助吳段也

馮公曩在廊房起義。助段再造共和。既又大義逐曹。讓段執政舊都。迭次助吳逼張出關。吳爲巡閱。馮公開散。只因段與親日派勾結各方以制西北軍。吳又密聯張孫而投井下石。馮公不得不令部屬遠遠退避。求保殘喘餘生。冀達他日救國救民志願。毫無爭權報復之私心。充滿愛仇如己之仁德。極盼海內羣雄。澈底覺悟。共同臥薪嘗膽。一致力外禦外侮。內謀建設。常向張吳孫張俘虜軍官士卒。演講極誠痛悲切之言詞。勸其信仰主義救國。勿爲賣國傀儡。而當亡國奴。並爲受傷俘虜擦澡裹傷。見者受者。莫不感激零涕。此豈陰險酷辣者所能爲耶。

(三)響應北伐也

山聞馮公所述五原誓師經過苦況。非筆能罄。舉其著者。餘可概見。西北嚴寒。雪地冰天。兵無棉衣。兼無糧草械彈。徒步奔走沙漠不毛之地。每排日購一羊。分肉充飢。衣其生皮。僅遮胸背。官佐士兵。足凍脫落者二百數十人。沿途凍餓病死者，千數百人。先後戰死在京、津、熱、察、綏各區域。及去今兩年在陝豫蘇魯直各省戰地死

亡軍官士卒。綜計約四萬有奇。受傷將領兵士共達五萬以上。結果鋸足鋸手。與跛者廢者。亦千有餘人。此皆由常德信陽第十六混成旅至南苑時。所訓練極有紀律。與技術極精之善良軍隊。爲民衆。爲黨國。歷受極重大之犧牲。幸而秦隴底定。西安圍解。得出潼關。會師中原。先靖黃河南北。復又迭援徐魯直平。綜其爲黨爲國戰績。除將禍國殃民之曹段驅逐而外。卒將返覆無常之吳孫等逆。協同友軍黨軍。血戰數年。因某國助賊。西北軍由勝而敗。又歷盡萬苦千辛。今乃由敗復勝。始得直搗幽燕。殲厥渠魁。告一段落。拼命肉搏。勛業炳麟。中外共鑒。今仍兵無月餉。將無月俸。馮公仍敝衣惡食。督率三省。月領二十元維持費之各行政人員。日忙黨國工作。根據三民主義。努力從事建設。新河南。新陝西。新甘肅。不名一錢。能創辦萬事。略說事實如左。

一 充滿革命精神。篤信三民主義也。豫陝甘三省一切文武行政。大小各機關

及各學校與農工商公私各團體員役生徒。均每早五時半起床。六時上操場。練體操與國技種種。七時十分上堂朝會。分期講讀建國大綱。建國方略。三民主義。及馮公所著行政精神與省政府所編發行政人員必携等書。平時由各機關團體領袖講解考問。每期由省政府派員查考試驗一次。每星期六下午六時集合各機關全體職員。至省政府內之中山俱樂部。研究黨義。提出問題。每人出席演講十分鐘。互相研究。至八時乃散。每星期一

早六時。各學校與各團體。各在本校團協開紀念週會外。省政府仍集合各機關全體職員。在中山俱樂部。開紀念週會。并報告黨務，政治，軍事，國際大事等後。即討論各機關同作公益各事宜。如提倡國貨。衛生清潔運動。爲民捕蝗。及編排三民主義化革命化風俗化科學化美術化等各之新劇以便喚起民衆等事畢。一致舉手高呼打倒共產黨。打倒帝國主義。肅清殘餘軍閥。國民黨萬歲。國民政府萬歲等口號而散。凡第二集團軍自軍長以至各士卒。各大小學生。均能背誦講解三民主義。建國大綱。總理遺囑。及革命精神。道德精神。愛國精神等。紀律精神等各條文意義。此山在汴躬與其事。常有外來各參觀團所同親見者也。

(一)嚴防共產黨也

豫陝甘三省。除特設內防處。密派偵探嚴密緝外。并密令各機關嚴防。密報逮捕。現開封第一監獄。鑲禁男女共犯百七十有奇。附設改悔院。聘請谷鍾秀沙明遠兩先生。日赴獄內講解三民主義。五權憲法。建國大綱。及方略等書。引入正軌。現已電請中央分別輕重依法處辦。國人當不疑其爲赤化共產者矣。

(二)力辦訓政也

今春軍事雖則吃緊。馮公仍時刻不忘訓政。故迭電令前兼任河南省政府代主席薛篤弼與現任民政廳長仍兼河南省政府代主席鄧哲熙同志等。務于無米爲炊之時。協同各機關人員。努力建設。預備訓政。故特創辦訓政學院。內設各班如左。

(一)縣長訓練班。(現任者一個月畢業。)候補者三個月。或六個月畢業不等。除豫省外。陝甘兩省縣長。亦到此院訓練。

(二)公安局長訓練班。(全上)

(三)地方自治訓練班。(六個月畢業)

(四)行政人員訓練班。(六個月畢業。以縣長或縣政府第一科長。各機關科長科員等任用。)

(五)衛生行政訓練班。(因北方習慣。多有隨地便溺疏於沐浴。少講衛生。患病者多。生齒日減。特設此班。以糾正之。)

以上各班除由王鐵珊先生主考縣長訓練班外。餘均由省政府訓政學院陸續考取。陸續畢業。由河南省政府或民政廳分別試用。隨時均有五六百人在院練習。暑不放假。改在早六時與晚七八九時授課。無錢遠聘教習。由省黨部省政府各委員及各機關之各廳長處長局長秘書長科長庭長等。各任義務教授。月送車資少則八元。多則廿元。其他各機關特設訓練班略述如左。

黨務訓練班(省黨部辦)

農村訓練班(省政府辦)

報告馮總司令爲國爲黨今昔堅苦工作之實況

報告馮總司令爲國爲黨今昔堅苦工作之實況

六

道路工程訓練班(省道辦事處辦)

教育行政人員訓練班(教育廳辦)

財政訓練班(財政廳辦)

法官訓練班(高等法院辦)

民團訓練班(民團司令部辦)

軍法人員訓練班(軍政執法處辦)

警察訓練班(公安局辦)

建設訓練班(建設廳辦)

接生傳習所(省政府辦)

新劇訓練班(教育廳辦) 卽以舊時伶工與說書大鼓道情。及其他一切演唱藝員強迫

來社糾正劇本。

覺民社(各行政長及各縣長辦) 排練主義化等之新劇。

一創辦普及教育。提倡民智。喚起民衆也。 豫陝甘三省。一切行政大小各機

關內。均附設有平民學校。平民運動場。機關寬廣者。更設有平民圖書館。平民游藝室。平民公園。消費合作社等等。河南省政府馮主席。更通令大小各機關。一律限日成立

露天學校。乃平民識字運動臨時學校等等。各在月領維持費中掙節。購買課本紙筆墨硯等件送給來校之男女老少各生徒民衆。由機關中之職員分担義務教授。以特送課本讀完講解明白爲畢業。畢業後。又招一批新生入校教授。約計河南全省除大中小學各校與男女童子軍不計外新辦各平校約一千有奇。每校平均學生五十人。約有五萬以上。兼有各機關職員。公餘所編排之主義化。革命化。風俗化。實業化。美術化等之新劇表演。以啓發民智。喚起民衆。而補各級學校所不能及之社會教授。凡表演者均純盡義務。不取一錢。民衆來者與觀者。除上課與看戲而外。咸得自由往來於省政府。及各機關內平民公園中之平民運動場。圖書室。游藝室等。享授體育智育羣育與游覽等各利益。不耗一文。開會時且有守衛勤務。備有茶水。和露招待。照料男婦老主人。與男女老少主人等。維持秩序。力盡公僕職務。民衆與行政人員休戚相關親如骨肉。毫無隔閡。共和精神。充滿中州。洵特色也。

一努力建設也。

豫陝甘三省財政。極感困難。兼以春夏戰事孔亟，前線同志。肉搏血戰。每人除日領黑色饅頭二三斤外。每月只領菜錢壹元捌角。髮係互剪。衣是自洗自補。三四年來。未曾領過一月全餉。除步行萬餘里。轉戰京津熱察綏甘陝豫鄂蘇魯等省區。受盡萬般窮困痛苦而外。此次陣亡諸烈。博得一幅白布裹屍。美其名爲革命棺。所遺

報告馮總司令爲國爲黨今昔堅苦工作之實況

八

孤兒寡母。猶日日啼飢懸望升賞喜報。與寄錢養家消息。結果惡耗傳來。彌增悲痛。是以後方行政人員。每念及此。異常哀感憤發。咸深慚愧。月得廿元。維持公費。較之武裝同志多至九倍以上。無論如何辛苦。絕不若身入槍林彈雨之中。而有生命及殘廢之危險者可比。因而互相團結。互助建設。創辦最新事業。述略如左。

(一) 建立革命陣亡將士忠烈祠 十七、二、一、開幕成立。并開追悼大會。書名建碑。永垂萬古。以慰先烈。

(二) 創辦河南革命紀念館 十七、二、二、開幕成立。陳列陣亡將士血衣遺物。及傷者取出彈丸。與鋸脫手足。又自前清迄今。死難諸先烈及先總理迭次起義。與蔣馮兩總座。誓師北伐各圖書照片。戰利品等。均搜羅陳設以爲民衆觀感而振革命精神上。係提振黨員與喚起民衆革命精神之建設。

(三) 實業館 陳列各種新式農器機器各樣出品動植物標本等。

(四) 美術館 陳列古今中外名人字畫雕刻木石泥像等件。

(五) 國貨陳列館 搜羅國內各省出品。足與舶來品比較者。詳註商標價目以挽利權。

(六) 國貨大商場 純粹採辦與推銷各省區真實精良國貨。並減輕進出口稅捐。(惟對非國貨入境擬值百抽收五十以限制之猶未實行)

(七) 中山大市場 同上。惟多古玩字畫與飲食店及游藝國技等等。

(八) 平民小工廠 如編草帽辦及織新式花紋愛國布手巾與簡單之機械的工作。暨化粧品竹木石陶磁籐刻雕等等。

(九) 農事試驗場 改良子種農器自造肥料以利種植。

(十) 林業協進會 輔助建設廳廣搜樹苗。由各會員以身作則。親手種樹。三省各機關全體職員亦然。

(十一) 森林辦事處 全體職員及文武同志今春河南全省種二百餘萬株。學校團體與民衆約種一百餘萬株。

(十二) 水利局 專辦防護河患與引水灌溉菓木百穀及開渠挖塘等實利民生各事宜。

(十三) 河務局 專辦堤工防禦三省河決巨患。並擬協同森林辦事處。多種樹木護堤根繫盤結泥沙不易飛揚。又於黃河岸廣植三十里以上之寬度茂林。雖遇大風。有樹抵擋。飛沙經過。三十里樹林。除落積樹枝與厚積樹葉而外。入河之沙極少。易流入海。不及墊淤。兼有挖河築堤之治標辦法。行見十年以後。永無河決之患。而黃河中輪舶往來如織。可預賀矣。

(十四) 省道辦事處 豫陝甘三省各立築路機關。招集民工兵工或俘虜等。遵照核准計畫。積極修築幹支各線。另有各省計畫書。及已成各路表。不贅。

報告馮總司令爲國爲黨今昔堅苦工作之實況

報告馮總司令爲國爲黨今昔堅苦工作之實況

一〇

(十五)平民村 張逆宗昌。蹂躪魯民。多逃至汴。除將健壯者送往陝甘安插外。餘有數千老弱。及豫西豫北避匪難民萬餘。無食無住。紛集開封。除省政府委員囑令公安局長宋式顏等。將殘廢與最老男婦安置救濟院外。鄧代主席哲熙協同各機關領袖各帶庶務員役。日往南關車站。妥爲招待。始前蓋搭蓆棚。日給茶水饅頭。繼以風吹棚壞。改建平民村新屋。擬築二千八百餘間。現已修成五百餘家。陸續由棚遷居。並借給小本。命其貿易營生。或入各工廠作工餬口。夜間在村內之中山俱樂部。聽受解釋黨義、與千字課及革命歌詞等等。難民有家可歸。百事可做。非常感奮。秩序漸佳。進步亦速。

(十六)中山村 五權村三民村等均在鄭縣。專以改良農村子種肥料農具坊織桑麻畜牧等工作爲急務。並設有農村公園、及中山俱樂部、農品陳列所、農村醫院、學校、公斷處、閱報室、游藝室、運動場、種種。解除農工痛苦。增進農工智能。改良農工生活爲目的。

(十七)鑿井 豫省風多雨少。特鑿洋井與深井二千口以上。以資灌溉。

(十八)拆城 開封鄭縣均拆。城磚鋪修馬路。

以上係關於民生主義中之民食民衣民住民行之種種建設。現正籌備。未成立者。從略。

(十九)河南圖書館

(二十)中山圖書館

(廿一)金聲圖書館

(廿二)平民圖書館

(廿三)兒童圖書館

(廿四)平民演講所

(廿五)開封市公共運動場

(廿六)教育陳列館

(廿七)古物陳列館 自夏商周秦漢以至唐宋元明清等金石磁瓦等。著名古物。皆陳列之。

(廿八)民族博物院 自伏羲洪荒時代各民族演進至現代。無分古今中外各種民族略史事實。均擇其要者。畫做模型。以引起國民努力向前奮鬥猛進之興趣為原則。

八月一日開幕。

(廿九)河南動物園

(三十)國民大戲院 建築四層樓座。內有市場與休息室盥洗室茶水室男女衛生廁所池廊。布置萬號新式雅潔客座。由各機關職員新編主義化風俗化科學化道德化紀律化美術化等之新舊各戲。訓練全省各戲園男女名角歌舞表演。期於數小時間。即能喚起民衆。深印腦海。對內對外。一致憤激。努力猛進。共同奮鬥。

報告馮總司令爲國爲黨今昔堅苦工作之實況

一一一

以移風易俗。力圖富強爲宗旨。

(卅一)各機關內之中山俱樂部 除研究黨義與開職務會議以外。並排演新戲。其宗旨與國民大戲院同。

(卅二)放足處 處長與各縣長任勞任怨。始勸繼斥終罰家長。現已解放十之七六。健身強種。所關極鉅。

(卅三)平民公園 省政府財政廳等處均有。

(卅四)中山公園 即在龍亭宋趙太祖登極處。風景極佳。爲全城冠。園前有潘(仁美)楊(競業)二湖。園內運動場。圖書館。俱樂部。烈士祠。遊藝室覺民社。新戲等等。

(卅五)開封新公園 內有全國各省區模型。及國恥畫圖標語。引起遊者愛國觀念。

(卅六)開封市公園 規模宏大。內有世界各國各都名山海港模型。以廣遊人眼界。花木極多。

(卅七)碧岡公園 園在鄭縣。佔地四頃。費款十三萬。內分公園烈士祠等四部。由馮總司令撥款十三萬元。令許驤雲在八里白沙岡購地四頃。建築一公共遊息所。計分四部。一中山公園內有民族民權民生三亭大鐵橋一座。二烈士祠。碧瓦紅垣。氣象嚴壯。以銅版刻諸烈士姓名。三烈士公墓。四民生公墓。閱四閱月工竣。八月四日晚許邀蔣鴻遇李忻孟憲章等參觀。商議擴大計畫。

(卅八)報章雜誌 有河南民報新中華日報。革命軍人朝報，省政府公報。及各機關之月報。特刊等等。

以上係關於智育體育與改良社會及補助會教育之建設。尚有省市各黨部所辦各會社團體等。恕略未錄。

(卅九)救濟院 專收窮無所歸之男婦及殘廢者養之。

(四十)公醫院

(四十一)濟良所

(四十二)悔改院 教授共產黨罪犯改過自新。日請名人講解三民五權及建國方略大綱等。

以上係關於慈善上之建設。餘從略。

綜計豫陝甘三省。雖則財才兩缺。然以馮公善於提挈領導。兼能誠懇感人。以身作則。故同心協力。互助進行。足補財才兩乏之缺點。一般文武同志。純以精神勞力。做成規模之粗具。故不需許多經費。與許多人才。而即能日新銳進。亟盼國內外同志隨時指教糾正。或能犧牲厚俸高位。而往西北投資建路吃苦作工。山謹代表敵省政府主席與各委員極為歡迎。山在豫未久。述而不詳。諸希原鑒。馮公對於黨國大計。已見歌電六大主張。及在首都各處演說。毋庸再贅。惟盼報界諸同志。對於帝國主義與反革命者之種種誣謗。能從事實上細加考察。平心主張公道。判明是非邪正。一切設施如有太過與不及。或不合先總理三民主義。五權憲法。建國方略。大綱之處。咸能切實忠告。不但馮公個人感謝無既。而西北全體同袍同志。均永銘肺腑者也。辱荷惠臨賜教。謹祝諸君健康。

中國 路政 唯一 出版 品

道 路 月 刊

林丹陸纂編

主筆 吳 山

知識	治路	紹介	建設	道路	提倡
進步	交通	促進	狀況	實施	報告

（加另費郵外國）元二年全角二冊每

◀ 讀不可不者政市政路究研 ▶

◀ 攷參須更者車汽途長辦籌 ▶

號 九 九 二 路 飛 霞 海 上
社 刊 月 路 道